

午 32
942.

增廣大生要旨

善仲



增廣大生要旨卷四

上海唐于頃桐園氏纂著

婁縣葉小灝雅卿氏增訂

產後

新產宜忌

小兒出戶扶產人卽以兩手輕抱產母胸前產母亦自以
兩手緊抱肚臍令胎衣下墜再宜以手從心下輕輕按
摩至臍日三四次使惡露不畱

宜厚鋪褥高枕靠墊勿令睡下宜仰臥不宜側睡宜豎
膝不宜屈足宜閉目靜養切忌大喜大怒亦不得熟睡



恐倦極熟睡血氣上壅因而眩暈亦不可高聲急叫以致驚恐

四壁遮圍使無空隙庶免受風

房中宜燒舊漆器或用鐵秤錘燒紅入醋中或以醋沃炭火上或以銅杓盛醋微火常煎令醋氣入鼻以免血暈且收斂神氣又能解穢

婦人產後如無他症不必服藥三日之內但以益母草煎湯紅糖調化溫與頻服間服生化湯使惡露下盡自無血暈腹痛之患三日之後少飲陳酒不可令醉又不可即食鷄子猪羊等肉須以白粥調理松江鯊魚淡蒸或

淡梅乾菜食之半月方與笋鷄鮮肉漸漸加至如量纔
免陽盛陰衰發熱脹滿瀉痢等患若不避風寒而感冒
不慎口腹而傷中俱致發病
初產時不可問男女恐多言語而泄氣或以愛憎而動氣
皆能致病倘連胎生女亦人事之常凡爲翁姑與丈夫
只宜好言寬慰切不可咨嗟歎息抱怨產婦令其氣苦
致病傷生

生男生女自有定數明理人固安義命世有因連胎生女
而或棄或溺者能不傷上天好生之心乎文王之聖后
妃之德故得螽斯之慶修德行仁自縣瓜瓞求嗣者萬

勿河漢予言

滿月後方可梳頭洗足否則手足腰腿必有酸痛等症
可獨宿恐致虛驚不可刮舌恐傷心氣不可刷牙恐致
血逆須至滿月氣血平復方可照常理事

胞衣不下

與三卷
中參看

產科心法曰胞衣不下最關利害或孕中食煎炒或臨產
氣力疲憊皆不能出宜於剪臍時用苧線繫定不可即
剪服以芎歸湯即佛手散自下如或血入胞衣之中脹大不
能下以致心悶脹痛喘急者速用失笑丸三錢清酒吞
下如不應再用花蕊石散二錢或牛膝散亦可血散脹



消其胞卽下如不急取恐瘀血上升有傷產母之患是

以失笑散花蕊石散產科必須預備以防急用

失笑散

蒲黃

略炒

五靈脂

洗去泥略炒二味等分用米飲丸淡醋水吞貳叁錢此方治見枕痛亦必用

花蕊石散

好花蕊石

壹觔

研篩淨

上色硫黃

肆兩

二味和勻分四分用

好羊腎礬陳無疤損者用黃泥週身塗之陰乾曬至裂

縫卽補好恐進火氣使內丹走出將藥裝入再用瓦油

蓋頭一箇仰蓋口上用鹽泥封固口縫待乾用細鐵線

上下四圍紮好如此四礬用大砂盆一箇將礬安放下



牛膝散

用大鐵釘攔住週圍硬炭文武火煉大香三炷退去火不可動次日已冷然後取出研極細裝磁瓶聽用此藥十年五載收陳不妨每服二錢熱酒童便調服使麻血化水而下如不應再進可也產後敗血暈迷或胞衣脹急不省人事但心頭溫者灌下卽甦亦是起死回生之法然煉此藥亦不易如火候文武不勻罐口封不如式硫黃性最猛烈每致迸裂人宜防備且藥亦無用矣

淮牛膝

川芎

蒲黃

微炒

丹皮

各貳兩

當歸

壹兩伍錢

肉桂

肆錢

其爲末每服水調五錢

薛氏云胞衣不下則腹脹急

用此藥加朴硝合服自能癰化而下緩則不救

血暈與氣脫宜分別施治

血暈是實症逐瘀爲主此因惡露不行惡血冲心心下滿
急神昏口噤不省人事切勿放倒急與生化湯失笑散
或佛手散皆可用一法用韭菜一把切碎放有嘴瓶
內以熱醋一大盞灌入紫口瓶嘴向鼻遠遠薰之

氣脫是虛症補正爲主此因平素虛弱臨產復用力勞傷
去血過多亦致昏暈不醒微虛者少頃卽甦大虛者脫
竭卽死但察其面白口開自汗手足厥冷六脈微極是
氣脫症也生死判於頃刻切勿放倒令一人挽住頭髮

急與大劑芎歸參附等回其陽或增損四物湯煎濃徐
徐灌之但得下咽即可救活若認作血暈而以行血藥
投之益速其斃

產後血攻或下血不止心悶面青身冷欲絕者刺新羊血

一盞乘熱飲之三兩服妙

若血氣虛弱又感風邪卒然昏暈不知人者清魂散最佳
清魂散 治產後氣血虛弱外感風邪昏暈不省

當歸錢貳川芎伍分人參壹錢炙草叁分荆芥捌分水煎服

子方生下母即昏暈不省此時藥不及備遲則不救急用

紬絹舊衣謹閉產戶令知事婦女曲膝抵住勿使下面



氣洩又令人一手挽住髮一手捫住口勿使上面氣洩

俟其稍轉方用醫治

此方詳審虛實不可妄動慎之

產科心法曰張仲景先生云產後鬱冒爲血虛而厥也其脈微弱嘔吐不食大便堅頭汗出此血虛於下孤陽上

冒防其脫也宜大補之 李東垣曰陰血暴亡心神無

依致昏冒 鐘齡先生曾用人參兩許加炮姜附子以

救之子亦救多人用參芪歸地並進而起案附卷尾

大抵脾虛痰厥頭眩而嘔者用六君子湯加炮姜若瘀血不行腹痛拒按者服佛手散下失笑丸此爲半虛餘皆大虛如面白眼閤口張手散足冷鼻寒皆宜十全大



補若一味退縮不急峻補則人已去遠後悔何及

六君子湯

人參壹錢 半夏壹錢 白朮土炒壹錢伍分 茯苓貳錢 炙草伍分 陳皮貳錢

姜棗水煎

十全大補湯見前 臨產即入珍佛手散見前 失笑丸見前

中風發瘧

產後為風邪所中角弓反張口噤不開名曰蓐風華陀愈

至風散灌之最妙不得大發其汗并轉吐瀉不能生矣

愈風散治產後中風口噤手足抽掣及角弓反張或血

暈不省人事四肢強直或心頭倒築欲吐欲瀉



荊芥穗

去梗焙
黑爲末

每服三錢童便調下口噤則挑牙灌之

或以童便煎取清汁滴入鼻中其效如神

若臨產努逼勞傷陽氣陰血又虧無以養筋爲風邪所感
以致牙關緊閉四肢痙強或腰背反張肢體抽搐名曰
痙症當大補氣血略兼荊芥蔓荊一二味驅風之品若
專治風邪必致不起

產科心法曰心慌驚悸或目不轉睛語言健忘此由心血
空虛神不守舍當補心神爲主安神定志丸歸脾湯並
進或佐以訥菴養心湯其諸症自愈

安神定志丸



增廣方生要

茯神 茯苓 遠志 人參各壹兩 石菖蒲 龍齒各伍錢

爲未蜜丸桐子大辰砂爲衣每服二錢

歸脾湯

人參壹錢虛人 炙黃芪貳錢 甘草伍分 歸身壹錢 茯神叁錢

仁貳錢 白朮貳錢 桂圓肉伍枚 姜棗煎

養心湯

人參 炙黃芪 茯神 茯苓 夏麴各壹錢 當歸貳錢

川芎 遠志 柏子仁去油各伍分 肉桂 炙草各叁分 五味

子貳八 水煎服

又曰產婦汗多發瘧俗謂產後驚風實非風也乃肝血空



虛不能榮筋以致手足抽搐有似中風之狀更有口噤
咬牙角弓反張此血氣大虛之惡候若非十全大補加
附子將何以救之或先用古拜散配歸芎服之再服大
補湯自可成功
薛氏案與女科指掌俱云小續命湯此必刻書之人補
入者不然二公何亦荒唐至此不思小續命湯是仲景
傷寒論中風症也第可用之以疎風豈可施之產後乎
且中風一症氣血虛者多有之經謂治風先治血張景
岳有非風之論謂治平人尙宜補血矧其爲血氣大虛
之產婦乎

古拜散後見十全大補湯見前

產門不閉

產門不閉氣血虛也服加味芎歸湯方見總以大補氣血

為主

產科心法曰此血氣大虛也先用生化湯一二劑隨進八

珍湯補之如不應服十全大補湯溫補之自愈間有難

產被穩婆手指撐傷致產門破損疼痛即用花蕊石散

少許摻於傷處自愈

生化湯治產後兒抗作痛及惡露不行腹痛等症

當歸伍錢川芎壹錢桃仁七粒去皮尖炮姜叁分炙草伍分或加



南京中医药大学图书馆藏

益母草錢貳水煎溫服或加酒及童便少許冲服此仙

方也凡新產當服數劑自然去瘀生新產後無病或有

他故再按各症治之按產後本屬血虛陰亡則陽孤

氣亦受傷若峻補則氣血易滯失調則諸邪易襲此方

去瘀生新扶陽益血行中有補化中有生至當之劑也

八珍湯

見前臨產加黃芪肉桂卽十全大補湯

心慌自汗

產科心法曰產後心慌自汗宜服歸姜棗湯并醋炭薰法

當歸

錢肆

黑炮姜

錢壹

炒棗仁

錢貳

加黑棗水煎服若服後自

汗不止心慌無主恐防暈脫可加人參

錢壹

熟附子

伍分

顧

其根本仍用醋炭薰之以收神氣汗自止此內外並治之妙法其人參在初產原不使用然虛脫之象不得不用只要重用當歸則瘀血不得停畱不礙事也人皆疑不敢用是不知制法用之不當自然悞事若遇氣虛脾弱汗出泄瀉嘔吐不食等候非用參附將何以救之經謂血脫益氣虛極生寒必以十全大補湯收功也

惡露不下

產後惡露不下其症或腹痛往來寒熱或小腹痛引腰脊蓋因腹有宿冷或感新寒以致敗血壅滯不行生化湯最妙佛手散亦可若惡露淋瀝不絕因腹中惡血未盡